

Na osnovu odredbi Zakona o izvršavanju Budžeta Kantona Sarajevo za 2025. godinu ("Službene novine Kantona Sarajevo", broj: 13/25) i Odluke Vlade Kantona Sarajevo o davanju saglasnosti Ministarstvu privrede Kantona Sarajevo za sufinansiranje projekta "Izgradnja lagune za deponovanje stajnjaka", broj: 02-04-32510-13/25 od 11.06.2025. godine, sporazumne strane:

1. **Ministarstvo privrede Kantona Sarajevo**, ID broj: 4200665710002, sa sjedištem u Sarajevu, ulica Reisa Džemaludina Čauševića broj 1, koje zastupa ministar Zlatko Mijatović,
 2. **KJP "Poljoprivredno dobro Butmir" d.o.o. Sarajevo-Ilidža**, ID broj: 4200087410009, sa sjedištem u Sarajevu, ulica Bojnička broj 119, Ilidža, koje zastupa direktor Snježana Ljubunčić,
 3. **Zavod za izgradnju Kantona Sarajevo**, ID broj: 4200141480000, sa sjedištem u Sarajevu, ulica Kaptol broj 3, koji zastupa direktor Belma Barlov,
- u Sarajevu, dana 04.07.2025. godine, zaključile su

S P O R A Z U M

o sufinansiranju projekta "Izgradnja lagune za deponovanje stajnjaka"

I – PREDMET SPORAZUMA

Član 1.

Ovim Sporazumom se između Ministarstva privrede Kantona Sarajevo (u daljnjem tekstu: Ministarstvo), KJP "Poljoprivredno dobro Butmir" d.o.o. Sarajevo-Ilidža (u daljnjem tekstu: KJP "PD Butmir") i Zavoda za izgradnju Kantona Sarajevo (u daljnjem tekstu: Zavod) regulišu međusobna prava i obaveze sufinansiranja i realizacije projekta iz Odluke Vlade Kantona Sarajevo o davanju saglasnosti Ministarstvu privrede Kantona Sarajevo za sufinansiranje projekta "Izgradnja lagune za deponovanje stajnjaka", broj: 02-04-32510-13/25 od 11.06.2025. (u daljem tekstu: Projekat).

Član 2.

- (1) Ukupna procjenjena vrijednost Projekta iznosi 644.249,63 KM (slovima: šeststočetrdesetčetiridvjestočetrdesetdevet i 63/100 KM), s uračunatim PDV-om.
- (2) Aktivnosti Projekta, koje su predmet sufinansiranja su Izgradnja lagune za deponovanje stajnjaka, a što obuhvata: pripremne radove, zemljane radove, betonske radove, čeličarske radove, krovopokrivačke i limarske radove, elektroinstalacije i ostale radove.

I – PRAVA I OBAVEZE SPORAZUMNIH STRANA

Član 3.

- (1) Ministarstvo i KJP "PD Butmir" se obavezuju da sufinansiraju Projekat iz člana 1. ovog Sporazuma, i to na način: da **Ministarstvo sufinansira Projekat u iznosu do 550.000,00 KM (slovima: petstopedsethiljada i 00/100 KM)**, - izvor 60 (a izvor 50 i izvor 10 - u zavisnosti od raspoloživosti sredstava u Budžetu KS), a KJP "PD Butmir" se obavezuje obezbijediti preostala sredstva za sufinansiranje Projekta.
- (2) Kreditna sredstva iz stava 1. ovog člana će biti operativna nakon što ista budu potvrđena kao operativna od Ministarstva finansija Kantona Sarajevo.

Član 4.

Sporazumne strane su saglasne da se KJP "PD Butmir" obavezuje:

- a) pribaviti sva potrebna odobrenja i saglasnosti za realizaciju Projekta iz člana 1. ovog Sporazuma,
- b) u skladu sa Zakonom o javnim nabavkama Bosne i Hercegovine ("Službeni glasnik BiH" br. 39/14 i 59/22) provesti proceduru i izvršiti izbor najpovoljnijeg ponuđača za realizaciju Projekta iz člana 1. ovog Sporazuma, te sa istim kao izvođačem zaključiti ugovor o realizaciji Projekta, a u skladu sa zakonskim propisima, standardima i pravilima struke,
- c) hitno dostaviti Ministarstvu odluku o pokretanju postupka javne nabavke, kao i po okončanju procedure javne nabavke, jedan primjerak odluke o izboru najpovoljnijeg ponuđača, ugovor zaključen sa izvođačem iz tačke b) ovog člana, kao i potrebne bankovne garancije za dobro izvršenje obaveza iz tog ugovora,
- d) osigurati da izvođač iz tačke b) ovog člana preduzme sve potrebne mjere da se realizacija Projekta iz člana 1. ovog Sporazuma provodi/provede u skladu sa zakonskim propisima, standardima i pravilima struke, a posebno poduzme sve potrebne mjere koje se odnose na zaštitu na radu, zaštitu od požara i eksplozije,
- e) u slučaju potrebe, po pisanom zahtjevu dostaviti Ministarstvu traženi dokument i/ili ispravu koji/koja se odnosi na aktivnosti iz tačke a) i/ili tačke b) ovog člana i/ili na određeno pitanje u realizaciji Projekta iz člana 1. ovog Sporazuma.

Član 5.

Sporazumne strane su saglasne da Zavod vrši stručni nadzor nad realizacijom Projekta iz člana 1. ovog Sporazuma, a o čemu su KJP "PD Butmir" i Zavod obavezni zaključiti poseban sporazum o regulisanju međusobnih prava i obaveza.

Član 6.

- (1) Za građevinske radove iz člana 1. ovog Sporazuma, sporazumne strane su saglasne da se formira komisija od tri člana (predsjednik komisije iz Zavoda, te po jedan član iz Ministarstva i KJP "PD Butmir"), koja će izvršiti pregled i prijem radova, to zapisnički konstatovati i uz pojedinačnu situaciju izvođača iz člana 4. tačka b) ovog Sporazuma, sa fiskalnim računom za predmetnu situaciju, dostaviti Ministarstvu na dalje postupanje.
- (2) Za građevinske radove sporazumne strane su saglasne da Ministarstvo sredstva iz člana 3. ovog Sporazuma, kojim sufinansira ovaj Projekat, sukcesivno doznava na račun KJP "PD Butmir", nakon što KJP "PD Butmir" dostavi Ministarstvu pojedinačnu situaciju izvođača iz člana 4. tačka b) ovog Sporazuma, ovjerenu od strane Zavoda i fiskalni račun za predmetnu situaciju.
- (3) Za nabavku roba (stalnih sredstava) Sporazumne strane su saglasne da se formira komisija od tri člana (predsjednik komisije iz Ministarstva, te dva člana iz KJP "PD Butmir"), koja će izvršiti pregled i prijem nabavke stalnih sredstava, to zapisnički konstatovati i sa fiskalnim računom dostaviti Ministarstvu na dalje postupanje. Potrebno je da bar jedan član komisije bude stručno lice prilikom pregleda i prijema nabavke.

Član 7.

KJP "PD Butmir" se obavezuje da Projekat realizuje najkasnije do 31.12.2025. godine.

Član 8.

Po završetku Projekta, KJP "PD Butmir" se obavezuje da rezultate Projekta uredno evidentira u svojim poslovnim knjigama.

Član 9.

Za realizaciju predmetnog projekta, sredstva su planirana u Budžetu Kantona Sarajevo za 2025. godinu iz kreditnog zaduženja kod UniCredit banke (zaduženje iz 2023. godine - prenamjena) nakon što budu provedena kao operativna od Ministarstva finansija Kantona Sarajevo.

Član 10.

- (1) Sredstva iz člana 3. ovog Sporazuma odobravaju se pojedinačnim odlukama Ministarstva.
- (2) Na osnovu pojedinačnih odluka iz stava 1. ovog člana, Ministarstvo se Ministarstvu finansija Kantona Sarajevo dati nalog za uplatu odobrenih sredstava na račun KJP "PD Butmir", broj: 338-900-22088849-80, otvoren kod Unicredit Banke d.d. Sarajevo.

Član 11.

- (1) Obavezuje se KJP "PD Butmir" da uredno izvršava sve svoje obaveze iz ugovora koji zaključi u skladu sa članom 4. tačka c) ovog Sporazuma.
- (2) Obavezuje se KJP "PD Butmir" da uredno izvršava sve svoje obaveze iz člana 5. ovog Sporazuma.

Član 12.

- (1) Obavezuje se KJP "PD Butmir" da Ministarstvu dostavi finalni finansijsko – tehnički izvještaj o realizaciji Projekta iz člana 1. ovog Sporazuma, koji uključuje sve potrebne podatke i dokumentaciju koja se odnosi na sufinansiranje po ovom Sporazumu, najkasnije u roku od 30 dana od dana ispostavljanja okončane situacije KJP "PD Butmir".
- (2) U slučaju da se projekat iz člana 1. ovog Sporazuma ne završi do ugovorenog roka, obavezuje se KJP "PD Butmir" da Ministarstvu dostavi parcijalni izvještaj iz stava 1. ovog člana sa raspoloživim podacima i dokumentacijom, najkasnije u roku od 15 dana od dana isteka ugovorenog roka.
- (3) Obavezuje se KJP "PD Butmir" da Ministarstvu u slučaju potrebe dostavi i druge izvještaje koji se odnose na realizaciju Projekta iz člana 1. ovog Sporazuma, po pisanom zahtjevu Ministarstva.

Član 13.

- (1) U slučaju nenamjenskog utroška dijela ili svih sredstava uplaćenih i doznačenih u skladu sa pojedinačnim odlukama iz člana 10. stav 1) ovog Sporazuma ili otkaza ovog Sporazuma, KJP "PD Butmir" je obavezan da Ministarstvu izvrši povrat svih uplaćenih sredstava po ovom Sporazumu, najkasnije u roku od 15 dana od dana prijema zahtjeva Ministarstva za povrat ovih sredstava.
- (2) Ministarstvo zadržava pravo da iz opravdanih razloga jednostrano raskine ovaj Sporazum.

III – ZAVRŠNE ODREDBE

Član 14.

Za sve situacije koje nisu uređene ovim ugovorom, primjenit će se odgovarajuće odredbe Zakona o obligacionim odnosima.

Član 15.

Eventualna sporna pitanja koja nastanu pri realizaciji ovog sporazuma, sporazumne strane rješavat će dogovorom, a u slučaju spora ugovara se nadležnost suda u Sarajevu.

Član 16.

- (1) Ovaj Aneks sastavljen je na bosanskom jeziku i taj tekst je mjerodavan.
- (2) Ovaj aneks stupa na snagu i proizvodi pravna dejstva prema sporazumnim stranama počevši s danom zaključivanja.
- (3) Ovaj aneks sačinjen je u šest izvornih primjeraka, po dva za svaku sporazumnu stranu.
- (4) Izmjene i dopune ovog Sporazuma moraju biti sačinjene u pisanoj formi.
- (5) U znak razumijevanja i prihvatanja ovog aneksa i svih njegovih odredbi ovlašteni predstavnici sporazumnih strana isti su potpisali i stavili pečate.

**KJP "Poljoprivredno dobro
Butmir" d.o.o. Sarajevo-Ilidža
Direktorica**

**Zavod za izgradnju
Kantona Sarajevo
Direktorica**

**Ministarstvo privrede
Kantona Sarajevo
Ministar**

